



OBXECTO

O Equipo de dinamización da lingua galega do CIFP Rodolfo Ucha (EDLG) convoca a decimo segunda edición do concurso de microrrelatos para fomentar a expresión e a creación en lingua galega.

PODEN PARTICIPAR

O alumnado matriculados no curso 2024-2025.

O resto da comunidade educativa do CIFP Rodolfo Ucha.

REQUISITOS

Cada participante elaborará un único microrrelato en lingua galega, cunha extensión máxima de 150 palabras que deberá integrar en calquera posición o enunciado seguinte:

... soños por cumprir...

Nas 150 palabras non se contará o título, pero si o enunciado obrigatorio. Cada relato levará un título para identificalo e será asinado cun pseudónimo.

MODO DE PARTICIPACIÓN E FORMATO

Cada participante enviará un único microrrelato ao enderezo de correo loissm@cifprodolfoucha.es

O relato, co seu título e pseudónimo, remitirase coma un ficheiro achegado a un correo electrónico. No corpo do correo constarán o nome e apelidos da persoa concursante, o curso e o ciclo no que está matriculada e o nome da súa titora ou titor. O asunto do correo electrónico será o título do microrrelato.

As obras serán da autoría do alumnado participante, orixinais, inéditas (en calquera medio ou soporte) e non terán sido premiadas en ningún outro certame.

As persoas participantes cederanlle ao EDLG o dereito para reproducir os microrrelatos nos medios nos que aquel se manifesta (revista impresa e/ou dixital, páxina web, blogues, etc.), sempre citando a autora ou autor do texto.

Non se admitirá ningún texto que non cumpra coas presentes bases ou que se envíe fóra de prazo e/ou forma.

Non se admitirán obras que atenten contra os dereitos das persoas nin que conteñan expresións discriminatorias ou ofensivas.

PRAZO

Os microrrelatos poderán enviarse á dirección sinalada ata as 23.59h do venres, día 7 de marzo.

O EDLG comunicarlles aos participantes a data e medio polo que se publicará o fallo do xurado que, en todo caso, será antes de rematar o mes de abril.

XURADO

O xurado estará integrado pola responsable da biblioteca e outros cinco membros da comunidade educativa do centro.

As decisións do xurado serán tomadas por maioría e serán irrevogables. Para seleccionar o relato gañador teranse en conta criterios como: creatividade, calidade das narracións, redacción, uso axeitado da lingua e a pertinencia e acomodo do enunciado obrigatorio nos textos. O xurado non coñecerá a autoría dos textos até despois de emitir o seu fallo.

PREMIOS

→ **Para o alumnado:**

Serán en forma de efectivo ou bono/tarxeta agasallo, segundo os casos, para mercar nun comercio.

Establécense segundo as condicións de participación seguintes:

A. De presentárense ata vinte textos:

Un único premio: 200 €.

B. De presentárense máis de vinte textos:

Primeiro premio: 200 €.

Segundo premio: 100 €.

Poderase anular o primeiro premio, se o xurado estima que ningún texto ten a calidade suficiente para recibilo. De darse esta situación no caso (A), o galardón pasaría a ser de 100 €.

O EDLG resérvase o dereito de declarar deserto o concurso se as obras presentadas non acadan un mínimo nos criterios establecidos.

Os relatos gañadores e finalistas publicaranse na revista e na web do centro.

→ **Para o resto da comunidade educativa:**

Entregarase á persoa gañadora, un libro relacionado co homenaxeado deste ano 2025 polo Día das Letras Galegas: o **cancioneiro popular galego**.

Este premio fallarase a partir dunha participación mínima que neste caso será de cinco textos, e tamén poderá quedar deserto.

En ningún caso serán premiados membros do xurado.

ADHESIÓN

A participación neste concurso supón a aceptación das súas bases.